

四庫全書

卷之四

田氏保嬰集

撰人未詳

中華書局

田氏保嬰集

此據濟生拔萃本
影印初編各叢書
僅有此本

田氏保嬰集

月裏生驚

急取豬乳細研辰砂牛黃各少許調抹口中神効乳母服防風
通聖散三劑其驚自銷

月裏生赤

肌膚赤如丹涂者先用牛黃散托裏續後用藍葉散塗外乳母
服清涼飲子三大劑

月裏生嘔

先用朱砂丸下之如利後用朱沅煎墜其邪氣惡物自下而不
嘔也

月裏生黃

因母受濕熱傳於胎也乳母宜服生地黃湯

生下不大便

治法先用硬葱針任肛門如大便不下後用牛黃散送朱砂丸一時自見

春日病溫

凡遇溫病未滿三日先用惺惺散二服後四五日不解煩渴乾嘔用白朮散如自汗口燥用製白虎湯至六七日大便燥結用四順飲子下心腹大實太滿牛黃通萬丸下初覺之時疑是瘡疹只宜用葛根升麻湯解肌

夏日吐瀉

凡小兒盛暑吐瀉邪熱在下則瀉在上則吐亡津必渴用玉露散雖吐時時與啜之過二日不愈身熱脈大小便黃用五苓散元各半熱湯調溫飲之身涼脈細小便清早晨益黃散午

後玉露散過四五日如困弱宜服異功湯和中丸開胃丸

秋日泄痢

治泄痢活法機要二十五論內甚多宜選而用之

冬日咳嗽

治咳嗽方前發明內甚多宜選而用之

五藏病

治法曰肝熱則手擗衣領瀉青丸主之

肺熱則手掐眉毛甘桔湯主之

心熱則上竅咬牙導赤散主之

脾熱則目黃肚大瀉黃散主之

腎虛則下竅畏明地黃丸主之

急慢驚風

潔古曰急驚者陽證也客熱於心因聞大驚宜用涼驚丸導赤散瀉青丸瀉肝丸地黃丸搐止宜服安神丸

慢驚者陰證也因吐瀉病久脾胃虛損似搐而不似搐亦名瘳癡脉有力先用宣風散導之後用益黃散平之天麻防風丸亦可

大凡小兒過煖生熱熱極生風提抱生癰餵飼生癖也

嘔吐

凡有嘔吐不止者皆宜朱沉煎定吐紫金核用無不効也

重舌

治法竹瀝清黃柏末點舌上如不愈後用真蒲黃傅之不過二

次愈

木舌

治法用局方中紫雪一分竹瀝半合和之時時抹入口中自消

鵝口

小兒初生白屑滿舌治法用髮經指頭蘸井花水揩拭之後用黃丹鍛出火氣摻於上自愈

口瘡

治法乳母同兒宜服洗心散瀉心湯然後用黃蘗末青黛研細摻之

撮口

治法宜用白殭蠶末蜜調塗兒口又用牛黃一錢竹瀝一合時時抹入口中即瘥

解顱

治法宜用生乾地黃散

夜啼

治法宜五味子散亦宜用燈花七枚研細乳汁送下立已

癰耳

治法宜紅玉散搽之

鼻疳

治法先用甘草白礬水洗淨後搽廬會黃連黃蘗末日三上

脫肛

治法宜用蒲黃一兩猪脂二兩煉猪脂和蒲黃成膏塗腸頭上

即縮入

便青

因驚氣內感脾氣不和治法宜服白朮湯

頰赤

由心藏邪熱上攻也宜服導赤散

弄舌

脾藏微熱舌絡緊也治法勿用冷藥下之當少與瀉黃散若肥實者用牛黃散治之

赤流

治法宜服犀角散一法先鍊去惡血服上藥一法用牛膝一兩去苗甘草半兩生剉碎水煎一大盞去滓調伏龍肝塗之

虫痛

其候哭啼俛仰坐卧不安自按心腹時時大呌面無正色或青或黃唇慢而白目無精光口吐涎沫此爲虫痛宜服安虫散

客忤

因而驚忤者治法用竈中黃土貳兩雞子壹枚去殼二件相和入少

許水調先以桃柳湯浴兒後將此藥塗五心及頂門上

眉煉

治法用青金散傳之如不愈燒小麥存性研細好油調塗

瘡癰

治法浸淫瘡宜用苦瓠散塗之乾癰宜用羊蹄根絞自然汁調
膩粉塗之濕癰宜用青金散貼之

暴喘

俗傳爲馬脾風也大小便硬宜急下之用牛黃散奪命散後用
白虎湯平之

偏墜

宜服防癰丸令兒坐於土中午時灸印下偏墜之處七壯

便難

便難燥結兒或泄藥腹脹悶亂命在頃刻可用握宣丸以男左女右手握之不移時大小便自利也

辨小兒病證

目赤兼青者發搐也

目直而青身反折者生驚也

咬牙甚者發驚也

口吐涎沫而叫者虫痛也

昏睡喜啼者將發瘡疹也

吐瀉昏睡露睛者胃虛熱也

吐稠涎咯血者肺熱也

吐瀉昏睡不露睛者胃實熱也

瀉青白穀不化者胃冷也

吐瀉乳不化者傷食也宜下之

身熱飲水者熱在內也

瀉黃紅赤黑者脾胃熱毒也

呵欠面赤者風熱也

身熱不飲水者熱在外也

呵欠面青者驚風也

呵欠面黃者脾虛驚也

呵欠而多睡者內熱也

呵欠氣熱者傷風也

錢氏得効大青膏方在前保命集小兒條下

得得散方在前癰論萃英內

升麻湯方在前保命集小兒條下

地骨皮散治虛熱潮作亦治傷寒壯熱及餘熱

知母

炙甘草

半夏

洗七次

銀州柴胡

去蘆

人參去頂

地骨皮

赤茯苓

已上各等分

右爲細末每服二錢生薑五片水煎食後溫服量大小加減

生犀散治證同前

生犀

銼末

地骨皮

赤芍藥

柴胡

葛根

各壹兩

炙甘草

半兩

右爲麝末每服一二錢水煎食後溫服

益黃散 方在前萃英內

安神丸 治心虛疳熱面黃頰赤壯熱驚啼神志恍惚不寧

麥門冬去心 馬牙硝 白茯苓 乾山藥

寒水石研 甘草各半兩 朱砂壹兩研 龍腦壹分研

右爲細末煉蜜丸如雞頭大每服半丸沙糖水化下無時

導赤散 方在前保命小兒條下

養痘香蓮丸 方在後衛生寶鑑小兒條下

大盧會丸 治疳殺虫和胃止瀉

胡黃連 黃連 盧會研 木香 白蕪荑去扇

雷丸 青皮去白 鶴虱微炒已上各半兩 麝香貳分另研

右爲細末粟米飯和丸如棗豆大米下一二十九無時

宣風散 方在前萃英內

消毒散 方在前萃英內

郁李丸 治極褊小兒大便不通小便澀滯并驚熱痰實欲得澹動者

郁李仁 壹兩 川大黃 壹兩 酒浸炒 滑石 半兩

右另爲末將郁李仁研爲膏和末爲丸如黍米大量兒大小與之以乳汁或薄荷湯下食前

瀉兒丸 方在保命小兒條下

瀉白丸 方在萃英內

瀉黃丸 方在萃英內

調肝散 治瘡疹太盛宜服令瘡不入眼

生犀 貳分 龍膽 壹分 黃耆 半兩 大黃 貳分 桑白皮 半兩 炒黃 麻黃 壹兩 釣藤子 壹兩 石膏 半兩 苧蓐 去皮 甘草 炒各貳分

右爲麋末每服二錢水煎食後溫服微利効

生地黄湯治小兒生下胎黃

生地黄 赤芍藥 川芎 當歸 瓜蒌根 各等分

右咬咀每服五錢水煎乳母服時時少抹入兒口中

木香丸治小兒泄瀉青白膿血相雜

黃連 壹兩用吳茱萸 炒後去茱萸 荳蔻 貳个 木香 壹分二味 一處炒

右爲細末麪糊爲丸黍米大赤痢粟米飲下白痢厚朴湯下

空心

防風養榮湯治小兒邪熱在表惡風惡寒所傷瘡疹未出可解

表發癰疹

防風 半兩 蒼朮 石膏 各壹兩 炙甘草 半兩

川芎 黃芩 各貳分半

右爲鹿末每服二錢生薑三片薄荷七葉水煎日二

柴胡飲子方在寶鑑氣分熱條下

八正散方在寶鑑小便不通條下

桃仁承氣湯治小兒瘡疹結燥百無一失方在前集知畜血證下

生地黃散治癰疹後寒熱往來嗜臥煩燥悶亂

生地黃 當歸 地骨皮 人參 甘草炙

赤芍藥

右等分咬咀每服水煎服無時

苦瓠散小兒浸淫瘡漸展不止

苦瓠炙西 蛇蛻皮半兩 煨灰半兩 露蜂房半兩 槐花半兩 樗上塵壹合

右爲細末生油調塗故帛上貼

天麻防風丸治小兒驚風身熱喘盛多睡驚悸手足搐掣精神